



Press release
Dar es Salaam
Msafara wa Baisikeli 2011

Wiki ya Umoja wa Ulaya

**Decade of Action on
Road Safety
2011-2021**



European Year of Volunteering 2011

Umma wa Wapanda Baisikeli Dar es Salaam (UWABA) tunaandaa Msafara wa Baisikeli Dar es Salaam 2011 ndani ya Wiki ya Umoja wa Ulaya, utakaofanyika Jumapili tarehe 8 mwezi wa tano 2011 kuanzia saa mbili asubuhi uwanja wa Mnazi Mmoja. Huu utakuwa ni msafara wa baisikeli wa saba Dar es Salaam; misafara ya baisikeli hufanyika Dar es Salaam tangu mwaka 2006.

Kwenye Msafara wa Baisikeli, idadi kubwa ya wapanda baisikeli huendesha baisikeli pamoja kwenye maeneo ya jiji. Wanaendesha taratibu - siyo mashindano wala mbio. Wapanda baisikeli wote wa Dar es Salaam wanakaribishwa – vijana na wazee, wanaume na wanawake, na walemavu, na baisikeli za aina zote zinakaribishwa – baisikeli za kawaida, maguta, baisikeli za mikono za walemavu. Msafara utanzia Uwanja wa Mnazi Mmoja, utafuata Barabara ya Ali Hassan Mwinyi, Barabara ya Kawawa, Kariakoo na utarudi tena Mnazi Mmoja. Zawadi za baisikeli 10, baisikeli za walemavu 5, na reflecta jaketi 500 zitasambazwa kwa washiriki.

Tunashukuru sana wadhamini wa msafara wa baisikeli, Umoja wa Ulaya Tanzania, na tunafurahi kufanya msafara ndani ya Wiki ya Umoja wa Ulaya. Baadhi za nchi za Umoja wa Ulaya, mfano Netherlands na Denmark, wana miji mizuri sana kwa wapanda baisikeli na wanahamasisha baisikeli kama chombo cha usafiri ambacho ni kizuri kwa mazingira, kizuri kwa afya, kinapunguza msongamano wa magari na kinaweza kutumiwa na watu wote. Malengo ya msafara ni kuhamasisha baisikeli kama chombo cha usafiri Dar es Salaam, kuhamasisha serikali kuboresha usalama wa baisikeli kwenye barabara zetu na kuelimisha wapanda baisikeli kuhusu usalama barabarani. Baisikeli ni chombo kinachoweza usafiri wa haraka, mlango hadi mlango, usafiri wa bei nafuu, kwa jamii zote – matajiri na masikini, walemavu, wazima, vijana na watoto. Wiki ya Umoja wa Ulaya mwaka huu ina kauli mbiu ya “kujitolea”, na UWABA ni NGO ambayo wanachama wote wanajitolea.

Tungependa kumshukuru Mgeni wetu Rasmi Hon Dr. John Pombe Joseph Magufuli Waziri wa Ujenzi kwa kuhudhuria msafara wetu.

Kauli mbiu nyingine ni kuzindua “Mwongo (miaka kumi) kuchukua hatua kuhusu usalama barabarani” wa Umoja wa Taifa, na mwezi wa tano mwaka huu matukio mbalimbali duniani yanatokea kuzindua. Wapanda baisikeli wote (wa kawaida na walemavu) wanahitaji mazingira mazuri na salama barabarani, na barabara zinazoweka kipau mbele usafiri usiyo wa moto. Kwa hiyo, UWABA tunaomba kila barabara kubwa iwe na njia maalum za wapanda baisikeli (kama Barabara ya Nyerere), magari yasitumie service roads kuegesha, kutanua foleni wala kuendesha kwa haraka, na sheria za kuepuka uendeshaji wa hatari na mwendo wa kasi zitekelezwe vizuri, na barabara ndogo ziwe na matuta kuzuia magari kwenda kwa kasi.

Umma wa Wapanda Baisikeli Dar es Salaam (UWABA)

UWABA ni NGO iliyoanzishwa Januari 2006 na wapanda baisikeli wa Dar es Salaam. UWABA tunakutana kila jumamosi kwenye ofisi yetu Manzese Sisi kwa Sisi. Taarifa zaidi zinapatikana kwenye tovuti yetu www.uwaba.or.tz au kwa simu – viongozi Mejah Mbuya (0713652642), Elaine Baker-Guni (0715568512) na Filbert Mbecha (0714623774).